





烟花債贈言

叨附金蘭獲窺管豹登高作賦甘捋下風  
久矣茲覩烟花債一劇舊事翻新劍州於  
梁苑培風之日知此中純是英雄牢騷象  
槩特借兒女子口頭發洩之耳篝燈卒業  
不覺按掌狂叫曰滑稽哉  
崔使君也是真龔黃元白合而為一人者





也於是賓客傳觀人；作擊碎唾壺之  
態或云是宜彈懷風吹居巢佐之以索丞  
之箏桓子野之笛可使飛鳥迴翔淵魚出聽  
或又曰不然元人以傳奇為取士程式置  
此本於百種曲中當與閩漢卿輩爭魁  
奪元豈得以紅氍毹之成又曰不然作  
者寓意深遠直将与子虛止是公諸篇並

駕千古視為元人試卷是猶卑之無甚  
高論也異義雜陳哉同聚訟然膾炙服  
膺之情則滿堂賓客与區々謗陋主人  
皆不約而同是知妙腕靈心雅俗共賞洵  
乎龔黃元白合而為一人者也亦欲勉製  
一言庶哉附鴻才於不朽奈筆墨久荒中  
書緝人輩大率皆以強項令不任驅使

即欲借寶丹山而時之鄒枚之士正未可漫  
應以褻吾知己爰書數語以誌欣賞云矣  
夾良月金筑寅弟朱繡書

烟花債序

藐姑淖約攬莊叟之寓言湘浦嬋媛慨靈均之  
幽思蓋和俛鳴律則鼻行以何傷志潔稱芳亦  
怨誹而不亂况夫繡筵綠雨譜出歐陽紗幌朱  
顏唱傳司馬希文先憂後樂亦有眉間心上之  
歌稚圭出召入周更聞病起花前之調可見清  
詞嫵媚自無妨鐵石心腸誰謂雅韻風流不益  
裨弦歌政事也哉研露樓主人五龍世曾三載



名家幼諄對日之聰燦若金沙見寶少秉挾天  
之藻皎如玉樹臨風屏紈綺以操觚掩翠於鳳  
凰山畔弄縹緗而染翰流丹於鸚鵡洲涯筆架  
珊瑚爭誦洞庭新詠書裝璜瑋久傳嶽麓名篇  
隨虎節而馳鞚雲屯閩海競呼才子襲龍韜而  
彎弧月落邊關羣識英流未幾奮迹南州承  
恩北闕吟蘆溝之曉月緋魚聲動奎坡握汾水  
之清風紫馬名喧雁塞既已家絃元白戶頌龔

黃矣及其敷政天中澤深巷舞行春鴻却化美  
農歌廬陵之守拙循常真從遜耳寇恂之崇經  
修學何多讓焉無何離懸瓠池邊暫效匏瓜之  
不食別平輿城畔頓令熊軾之停輪桂何窈々  
兮梁園竹何蕭々兮良岳侯羸門側誰與執鞭  
倉頡臺前惟堪造字學優而仕々優而閒天假  
文章九命詩餘為詞々餘為曲人傳樂府一編  
此烟花債傳奇牛馬走所以得讀也原夫借艷



異以成題譜宮商而吹活描香刺黛排成閩鄭  
新聲琢月搜煙填作高施妙劇南音杳屐既驚  
玉潤珠圓北調砑碣可使雲飛石裂冷若竹敲  
幽澗細如絲裊晴室悲則揚柳嗁煙歡遂芙蓉  
笑日苟非得夫九宮三昧烏能為此白雪陽春  
至若宋玉激詞舉堪醒目東方諧語盡可解頤  
則嘻笑皆文差豚妄言之蘓子牢騷成趣聊磨  
壯志於楊生者也偶逢佳辰遠來各部演耆卿

之曉風殘月入河陽之檀板銀箏聲繞梁間不  
殊下玉渙撰亭之拜曲來天上奚啻邀吳蘭羅  
怕之求雖有他音不敢請已從前院本尚可存  
歟僕交附飲醇敬效周郎之傾心忘食味竊擬  
齊國之聞洵允際之奇逢六塵餘之佳話於虜  
冷風清思治淮陽者久賡雅奏於西園介節恤  
民繼瑗挺者更煥奎光於東壑聖賢豪傑皆情  
種情至處可登萬姓於春臺事業功名舉戲場



戲成時竚調八風於嶰谷乾隆九年歲次甲子  
小春錢塘寅弟任應烈拜題

烟花債題詞

名家列宅晴川鸚鵡之洲才子題詩驚代鴛鴦  
之號乞一麾而出守歷四郡以領條地是淮陽  
何妨卧理人如張詠遙接風流偶採稗官演作  
元人雜劇爰抽繭緒撰成樂府新聲則烟花債  
一編是已原夫單生玉潤為邢大令之賢甥邢  
媛茗姿即單夫人之女姪絲蘿締結本推自出  
之恩襁褓提携各有拍婚之約夫何邢官宛葉

遇寇身殲單官臨安征蓬梗斷此生契濶音驛  
浮沉嗟邢女之遭俘失身樂籍惟單男之受蔭  
隨牒州僚迴邈舊盟已同隔世豈知定婚店內  
赤繩一繫而不移寃孽海中白浪千層而終息  
則有州堂公宴綺席徵歌覩一麗人翩其獨立  
紅蓮入幕艷稱司戶風華翠袖持觴驟得彼姝  
顧盼于斯時也盈盈桃李歎薄命以誰憐采采  
薜蘿逢故夫而詎識幸值同僚之作合偶就曲

室以言權詢及家門遂弗及于亂知為伉儷乃  
默識于心此則單子以禮自持欲明其配而在  
邢女願身有屬翻媿自媒者也是以寓書若翁  
陳其顛末乞咨太守為救沉淪並有邢氏諸昆  
曾為承務進與單族亦屬通家款語纏綿從中  
德憑親賚符牒遠歷間關重以州將垂慈竟為  
邢娃脫籍通守請為作伐承務倚以主婦遂賦  
結褵並稱嘉耦伶倫雙瑄韻仍叶夫鳳凰大夏



兩環形復蟠夫龍雀詎非定數夫豈偶然嗟乎  
宣和之間璇璣失政靖康之難板蕩興悲慨九  
廟之鼓鐘都隨電掃痛七陵之鳧雁忍逐灰飛  
戰血殷川積尸平塹公之所譜固為兒女私情  
事之流傳亦是水天閒話惟是鍾情特甚歷劫  
難銷宿願忽諧匪臆可測女媧氏石煉五色補  
完離恨之天費長房身隱一壺縮盡相思之地  
益信文心之妙足奪造化之權技至此乎觀其

止已蔡文姬配入笳拍歌成出塞之聲鄭中丞  
按以檀槽迸作忽雷之響走為擊節請付剖人  
公謂知言遂傳繫本乾隆癸亥八月既望屬吏  
許佩璜謹序

烟花債序

在心為志悲愉各有性情發言為詩歌永用諧  
金石溯締衣之妣帝肇正八音追衮繡之姬公  
首闢六義以波稟神靈之摛搯名相之權得志  
於時大行其道猶且二於賦物賡卿雲復旦之  
華善於言情繪思婦勞人之隱用以導揚悅豫  
宣洩幽微矧是才高八斗收百世之闕文學富  
五車採千篇之遺韻能無課虛無以責有演藻



聃翻叩窅窅而求音摘辭悌悅也哉且夫屈伸  
異致離合無常李廣數竒長材或傷於短馭馮  
唐齒盛脩翎安困於卑栖恨塊壘之難澆曷禁  
雅琴變調維幽芳之在抱何嫌流徵揚聲所以  
思公子而難言寄閨情以染翰長歌當哭短曲  
度愁夢曰南柯繫感遇之續也記稱東郎亦不  
平之鳴與若夫時際晏清遇欣梧鳳圭璋特達  
卞和弗泣於秦庭騏驥高騰伯樂一空夫冀野

方且人歌擊壤士賦卷阿又何事過湘水而吊  
嫫媿經汨羅而悲屈子然而空亭閭窅旅館蕭  
森次公之蓋欲迎司馬之車未駕夜曼其若  
歲懷鬱其未更因而翻藝文蒐艷異借殘編  
之韻事擬樂府之新聲亦足以鼓吹休明拓開  
胸臆爾敬披緗帙載誦瑤章擬人於倫比物象  
志肌如素雪迺混跡於師曹志若青霜仍守貞  
於樂籥震空樓而欽恨固知盱多情舉翠袖

以搯弦非類鸞。嫵媚逮至鵲橋。既遇始賦三  
星。亦惟風侶重逢。方諧二姓。則紅綃之鏡。崔生  
不得窺紫雲之名。杜牧不能識也。亦明矣。孰謂  
秦樓妹子。猶是水性楊花。而郢客高詞。非即美  
人香草也。哉。迺者。樗蒲成質。抱愧識丁。案牘勞  
形。未遑度曲。撫幽蘭之搯。不免心盲。聆白雪之  
聲。何殊耳食。惟是。流連短韻。雅類緣情。諷詠長  
言。工同體物。亦未嘗不興懷於觀海。幸列於下。

風也。爰屬小言。恭呈  
大雅。敢云同調。自託知音。

乾隆八年歲次癸亥小春上浣蘭陵任西京令  
末員龔崧林封五氏謹題於飲和亭



烟花債傳奇

研露樓主人填詞

邢春娘怨墮青樓夢  
王司理歡邀白玉觴  
單符郎月下尋鸞偶  
陳太守堂上配鴛鴦

第一折

春怨

南呂引子一枝花旦上章臺春色淺珠箔東風軟海

棠初睡足暈嬌臉閒著鞦韆一任遊絲罥貼上  
遠山愁未展流落烟花羞對客輕紈低掩



巫山一段雲旦柳外鶯聲滑、花間蝶翅輕、貼韶光無限、恰春晴、誰與踏芳茵、旦舊恨無由卸、新愁却旋生、貼閑花野草、總關情、情更較春深、旦奴家邢氏、小字春娘、年方一十八歲、本貫錢塘人也、系出名門、幼嫻歌咏、會遭兵燹、頓陷烟花、因此從姓楊氏、寄籍全州、與這李英娘結爲姊妹、共處青樓、教他些聲技女工、官裡承值、到也情投意洽、無異同胞、怎奈

奴掌失明珠、空自淚生合浦、瑕生白璧、難教日暖藍田、風露爲情、鸞凰失侶、不知何日了、完孽債、脫離苦海、對此春光、好生傷感人也、貼姐姐、我和你失身樂籍、賣笑爲生、趁此柳驪花嬌、鶯啼燕語、正好尋芳結伴、鬪草踏青、况你色技無雙、風流第一、謾說是朱門公子、個個爭憐、就是官裏相公、盡皆人人看待、做姊妹的、如此光榮、豐衣美食、也算出人頭地



的了、何故日鎖雙眉、對春嗟怨、姐姐聽我道  
來、

南呂

過曲 梁州新郎

梁州

輕腮花媚、脩眉山遠、燕語

鶯聲嬌囀、畫梁歌繞、當筵一曲爭憐、任王孫公  
子、蜀錦纏頭、是處千金選、彩雲何處也、慢俄延、  
好倩吹噓送上天、賀新春意鬧、芳心歛、却緣何  
一睇厭厭倦、蜂與蝶、恁愁怨、

前腔 且楊花心性、桃花人面、浪逐春風、誰慣香

閨玉質、羞他舞袖歌筵、那些個、著紅騎馬、帖翠  
憑闌、笑逐錢塘畔、妹子我豈是這等人、那甚風  
流孽、冤好門闌、反做烟花賤、質看、前合春意鬧、芳  
心歛、因此上一睇厭厭倦、蜂與蝶、恁愁怨、

貼姐姐我聽你語言端淑、立志幽閑、不失良

人風度、豈不令人起敬、怎奈既墮烟花、應了

前生宿債、若如此當春感情、遇秋成恨、畢竟  
瘦損花容、反致終身淪沒、依妹子看來、不如



就這簫管場中、王孫隊裡、覷定個有情有義  
的郎君、先付終身之托、再圖削籍之緣、豈不  
是好。

前腔 換貼 勸伊行莫恁愁牽、好春光、秦樓楚館、

賺劉郎一顧、柳谿桃岸、但得個憐香惜玉、倚翠  
偎紅、繡帶同心、縮人間、天上也好姻緣、爭似文  
簫嫁彩鸞、前合 春意鬧、芳心歛、又何須一睚厭厭  
倦、蜂與蝶、恁愁怨。

且賢妹言雖如此、我豈不知、但是薄倖事多、

鍾情人少、萬一失身非偶、頓背盟言、豈不終  
身無恃、同伴遺羞、所以日在愁城、心旌難定、

前腔 且任嫦娥也惜青年、問垂楊、誰堪青眼、奈  
紅顏薄命、傷心無限、只怕香偷韓壽、盟負王魁、  
寶瑟絃中斷、玉樓人醉也、杏花天、只索香薰綉  
被眠、前合 春意鬧、芳心歛、因此上一睚厭厭倦、蜂  
與蝶、恁愁怨。



貼姐姐情懷、既難排遣、我和你趁此春晴、且  
出庭前、閑步片時、則個旦就此同行。

節節高合春情正可憐、貼捲簾內作鳥聲介捲  
珠簾、啣泥妬煞雙雙燕、出門介香塵軟、芳草綿、  
裙衫茜、貼是好春光也、柳眉杏靨如仙眷、花花  
草草偏增怨、莫道春風不世情、只恐暗把朱顏  
換。

雜扮梅香上紫陌亂嘶紅叱撥、綠楊高映畫

秋千來此已是、進見介二位姐姐、我家姐姐  
同姊妹們都在會春園、探花鬪草、特着我來、  
請二位姐姐同去閒耍、旦多承你家姐姐見  
招、則是我身子不快、不得相陪、就着英娘同  
你前去便了、貼如此妹子去去便來、正是飛  
花有意能留客、啼鳥多情解喚人、雜隨下旦  
嘆介奴家自從被虜南來、會記幼時、父母將  
奴許配中表符郎、不道亂離以後、消息全無

存亡未審、因此日繫心頭、念念不置、妹子、你不知就裏、教我如何消遣得來、

前腔、旦藍橋在那邊、玉生烟、釵分鏡約、都成幻、花重綻、月再圓、情雙戀、個人可憶、吹簫伴、巫山十二難尋遍、冷落門前車馬稀、白頭枉自悲團扇、

想奴薄命如絲、萍踪無定、雖不知符郎下落、會合無期、怎肯折節含羞、便逞乞憐獻媚之態、罷事已至此、且自再作區處便了、

餘文、春光幾日難留戀、這風情肯與乞憐一任飛花落舞筵、

集句

絮逐飛絲觸處遊、逢花却欲替花羞、  
碧桃泣露無成淚、飛上春衫總是愁、



第二折

賞荷

北中粉蝶兒末冠帶上棠茂陰涼訟庭閒午衙  
初放倚南窻簾捲瀟湘對嘉賓携翠袖淺斟低  
唱拂檻幽香趁清風碧荷亭上

下官王永年職授全州司理自從抵任以來  
且喜年時豐順獄訟不繁簿書之餘頗有清  
暇前日新來一位司戶姓單名飛英年少風  
流才華絕世本是京城名家子弟又與堂上



有些世誼之交、承他與下官義氣投合、詩酒  
唱酌、今日亭上荷花盛放、已會着人請他到  
來同賞、一面單着官妓玉娘承值、時已過午、  
怎還不見到來、旦上整頓舞衣、呈玉腕動搖、  
歌扇露金纖、進見介官妓玉娘叩頭、末起來、  
我今日請司戶單老爺、他是個風流才子、最  
知音律、到時你須小心承應、旦曉得、暫下介、  
生冠帶隨二從人上、蓋世文章誇雅麗、供吟

風月喜追陪、雜通報末出迎相見介、生小弟  
學淺才疎、叨陪寅末、時承德教、已自銘心、何  
敢又煩寵召、末寅兄惠政初流、聲華久著、小  
弟私心仰慕、正欲一接蘭言、恰值荷花盛放、  
聊備小酌、有屈高軒、天氣炎暑、就請到荷亭  
一坐、何如、生如此隨行、行介、生高掛綠窻、無  
暑氣、末平開紅芰、有幽香、生好箇清涼所在、  
不覺炎暑都忘、末忝在寅好、形跡相畧、竟請



更衣一揖而坐便了。生末更衣坐介末一面  
送酒一面喚官妓過來雜送酒向內喚旦上  
叩頭介旦官妓叩頭生起來寅兄何處得此  
尤物可謂名花傾國矣末寅兄休得過獎這  
是本州官妓名喚玉娘樂色聲技爲此間第  
一常蒙堂上擡舉端在郡中承值今日對才  
子賞名花故此喚來承應生小弟到州卽聞  
此妓之名尙未識面旣承多情少不得要細

細領教了末玉娘你可將對景的詞兒緩緩  
的唱上來

南泣顏回旦鶯語怯羞簧一曲菱歌輕颺風來  
池面香羅疊雪生涼看冰壺玉鏡碧冷冷夜雨  
添新漲對銀塘人似青蓮坐瓊筵杯傾綠釀

末好個人似青蓮杯傾綠釀真乃詞出佳人  
口也寅兄請賞鑒一杯

北石榴花生則見他俏盈盈秋波渡迴塘更和



那黛拂遠山長可愛他朱唇微啟字生香歌容  
舞態燕嬾鶯忙最撩人尤雲帶雨情兒蕩孃孃  
婷婷紅依翠傍端的是與風標天付嬌模樣那  
些個芙蓉及得美人粧

末芙蓉不及美人只怕蓮花到似六郎了用  
扇拍生各笑介生寅兄休得取笑末玉娘司  
戶老爺如此贊賞你可用巨觥親酌一觴且

送酒介

南泣顏回旦雲液滿霞觴翠袖殷勤醉唱橫波  
斜睇背偷覷介覷風流擲菓潘郎任輕輦淺笑  
一般般惹起相思賬搗玄霜誰識雲英夢行雲  
你個襄王

生請散步片時末請便各起介

北鬪鶴鶉生謾勞你笑盈盈纖指擎杯笑盈盈  
纖指擎杯嬌滴滴風情月况一會價韵悠悠玉  
管雙催舞翩翩花筵獨上旦請相公乾過此觴



生他那裡酒壓吳姬喚客嘗，早則是花弄色蝶  
爭香。生背覷旦低唱介：怎能殼喚卿卿雨約雲  
期，喚卿卿雨約雲期。美甘甘鴛衾鳳帳。

末請坐，再寬用幾杯。生請坐，各坐旦再奉酒。

介

南撲燈蛾，旦喜孜孜蓮開並蒂花，笑欣欣人依  
合歡帳。一陣陣楊柳風來細，送聲聲暮蟬高响。  
碧纖纖蛾眉月吐，散離離花影弄新涼。醉厭厭

留連夜飲，夢悠悠碧琉璃淨宿鴛鴦。

生小弟深沃濃情，已經飽德，就此告辭了。起

介

北上小樓，生則我這心如醉，興欲狂，赤緊的勾  
住香魂，占住風流，鎖住情腸。沒來由衙鼓催人，  
沒來由衙鼓催人，琵琶曲散，蓮花漏响。從今後  
打疊起睡魔愁障。

生作醉介：末看子細，司戶醉了，玉娘好生扶



持生扶旦介

南撲燈蛾末珠啼鳳蠟殘雲夢花魂蕩醉歸扶  
紅袖這相思料他難放生向旦低語介玉娘住  
在何處有暇好來看你旦妾住折桂坊第一巷  
內相公若來恐不穩便末則聽他佳音密耗私  
語口脂香恁風流少年司戶待重來桃花前度  
認劉郎

南尾聲旦雙星未渡銀河漾雜帶馬介生奈上

馬匆匆欲斷腸下末且教你月夜花朝勞夢想

雲捲笙歌月上樓夜涼風景似清秋

山公倒載群兒笑醉眼蚩蜉萬戶侯

集句





你看芙蓉夾路、桂子流香、想必是了、行來曲巷、  
天香瀉、可是蟾宮月姊家、

作叩門內應介

前腔貼上朱戶金環是誰搗、想是歌罷桃花返、  
犢車開門見生介是位相公請進、原來是風流、  
少俊問仙娃生是好一個女子也、看輕衫穩稱、  
腰兒窄、直恁妖嬈、却似他、

生相見坐介貼請問相公何事枉步到此生

小生良宵寂寞、客思無聊、因慕玉娘芳名、特  
來相訪、不識此間、可是貼玉娘就是奴家姐  
姐、今日府堂公宴、承值去了、不在院中、生原  
來就是玉娘令妹、失敬了、不識你家姐姐、甚  
時可以回來、貼今日公宴是散得早的、此時  
漏鼓初沉、想必就回來也、生如此、小生畧候  
片時、

前腔旦上一曲清歌晚當衙、歸擁纏頭金雀花、



到門介因何門兒尙開在此、雙扉未闔、繡簾遮、  
進見生驚介呀、原來司戶相公在此、黃堂不去、  
陪公宴、因甚風吹到妾家、

旦此間外室、不當穩便、請到西園、屈坐一回、  
貼掌燈前、引生行、旦隨行、介生桂花侵座冷、  
旦蟾影照人寒、相公請坐、英娘你去烹茶伺  
候、貼曉得暗下、旦見介生玉娘不須如此、竟  
請坐了、旦告坐介相公因何不赴公宴、深夜

私行

太師引生憶仙姿、驀地尋花榭、爲相思、瘦骨難  
支架、那日呵聽菱歌、笑入荷花、愛柳腰、舞低眉  
月、因酒席之間、司理在前、不能達我衷曲、奈隱  
囊紗帽、把人禁煞、旦相公堂堂佐郡、私入青樓、  
外人聞知、恐覺不雅、生貧着你態、憇韵雅、管甚  
的風流話、靶到做了淚濕青衫、司馬、  
瑣窻寒、旦謝多情良宵、惠駕、媿蒲姿、不稱東風



嫁你本是龍門聲價、鳳閣才華、菓擲潘車、文欽  
司馬、怎爲閑花草、魂勾夢蝶、生情之所鍾、不能  
自己、旦閒惹、若將我風情漏洩、到官衙、先喫太  
守行五花棒打、

生我看你知書多藝、頗有良人風度、畢竟是  
誰家女子、可道其詳、

太師引旦論名門、也不低王謝、坐琴堂是爹行  
聲價、生原來是位千金、雙親可在、旦爲兵戈命

掩黃沙、生這也可慘、旦生撇下兒嬌女姪、生因  
何流落、旦被漂零風雨、無端摧折、流落在舞臺  
歌榭、玷汙了翠眉紅頰、生可惜呀、可惜、旦空自  
惜柳絮沾泥、倩誰提挈、

生請問小姐、居住何方、令尊何姓、小姐幼時、  
曾否適人、旦妾本姓邢、小字春娘、在京師孝  
感坊居住、幼年曾許中表符郎爲室、父授順  
陽縣職、不幸遭寇、隕命、妾被人畧賣、至此、事



出無奈、本非楊媪所生、泣介生背驚介呀、原來是我妹子、淪落在此、聞之不覺心碎、暗淚

介

瑣窻寒、生聽伊言、幾回驚詫、分明是鳳侶當年

姪、背介我本欲與他說明、但他久落烟花、風情

無定、我且把言語試他一番、再作理會、小姐、趁

你這圓姿替月、嫩臉呈花、宮鬢堆鴟、香肌凝雪、

少甚明珠十斛、千金價、旦既有前盟、死生是倚、

怎甘再適、生休嗟潑殘生、伯勞飛燕各爭差、早

把這寶瑟鸞膠再接、

生小姐、我慕你芳姿、心焉如醉、今夜私行相

訪、願訂一言、未識尊意若何、旦相公有何見

論、但請說來、

紅衫兒、生鏡開塵匣、斟酌姮娥寡、我欲借星槎、

問牛女、銀河可給風流假、準備着七寶香車、繡

幙四圍遮、迎你個桂蕊蘭葩、會合花前月下、



旦相公如此深情、賤妾豈不感佩、只是鏡約  
有人、怎好薦羅別附、

前腔旦舊盟未謝、不似文君寡、怎別抱琵琶、生  
下官才思、小姐芳容、也匹得過那、旦論女貌郎  
才、原自不爭差、你若惜流水飛花、不教墜泥沙、  
生小姐意欲如何、旦我與你賠酒賠茶、別倩個  
人人嫁、

貼捧茶上、瓊花浮玉盞、雪乳艷輕甌、相公請

茶、生旦各用介、生這位可是令妹、芳齡幾何  
了、旦是妾結義妹子、喚作英娘、今年十七歲  
了、女工聲技、俱是賤妾所教、雖在青樓、却無  
俗韻、相公身邊乏人、何不替他除籍、留入衙  
內服侍、何如、生小姐既不肯自托良媒、反欲  
爲他人作嫁衣裳、但是下官從事此州、行止  
不便、且待任滿、再作區處、不識英娘、可肯隨  
行否、



大迓鼓貼宜家屏開雀扇遮指生介他吟風弄  
月指旦介你落雁羞花偏你靈妃不降三清駕  
自指介教我碧玉如何闖麗華向生介飯劉郎  
怎代胡麻

旦夜漏已沉請相公同衙罷生正欲談心偏  
憎夜促今宵一別不知良晤何時旦相公請  
自保重若有宴會着人喚妾前去承應便了  
生行旦各送介

尾聲合畫樓朱戶玉人家窻紗月映千金夜只  
恐腸斷朝來一縷霞

集句  
雲堦月地一相過 邂逅成歡此夕多  
銀燭未銷窻送曙 傷心其奈別離何





真個是風淨案頭無吏弊、月明江上有漁歌、  
這也不在話下、昨日接到省中符牒、說俺部  
中官妓楊玉娘、本係宦家子女、流落烟花、原  
是本州單司戶的元配、他父親已奏過朝廷、  
奉旨削籍完婚、老夫看來、此女舉止端詳、每  
當筵宴、歛恨含羞、怪他不像青樓行徑、也自  
疑心、原來有此一段公案、今日特備酒筵、請  
諸君到來公宴、老夫且將言語慢慢的試探

他一番看他心性何如、然後完成美事、也不  
爲遲、院子各位老爺、可曾請過了、雜應介都  
請過了、外到時卽忙通報、雜上幕府爲才子  
生上銅章美少年、末上漢庭思賈誼、合鳧鳥  
早朝天、雜下官司馬章汝盛、生下官司戶單  
飛英、末下官司理王永年、合今日府堂公宴、  
不知爲何、我等一同前往、雜通報外出迎各  
進見介、我等蒙堂臺寵召、不知有何台諭、外



今日特備酒肴、一則與諸公雅敘、二則與楊  
玉除名、故請諸位到來、公同一判、雜堂翁又  
來掃興了、衆爲何、雜我們郡中樂籍、就止玉  
娘一人、善承風旨、春秋宴賞、賴以佐觴、何故  
反爲削籍、敢是堂翁要獨擅風流了、外判府  
休得取笑、少時自有分曉、就請入座、各揖就  
座、外問雜介、着人喚的楊玉姊妹、如何還不  
到來、快去催喚、雜應向內喚介、玉娘姊妹、走

動些、旦引貼上、姐姐、快走那、

北正宮端正好、旦則俺這逞風情、野草閑花、勾  
引得蜂狂蝶恣、可也賣笑倚門兒、貼姐姐、你是  
個領袖那、旦博得個鶯花寨、領袖風流使、太守  
行常承值、

到介、貼今日府堂公宴、是鋪設得好也、

滾繡毬、旦則見函堂前、繡幙施銀臺上、絳蠟持  
人、列着傅粉塗脂、香焚着寶鴨、金猊、貼今日不



是良宵佳節、爲何排此筵宴、旦又不是賞元宵、  
逢寒食、因甚的開瓊筵、泛玉卮、貼上邊好座、兩  
屏、旦孔雀屏是夢行雲、高唐上巫山十二、貼下  
邊是錦褥、旦芙蓉褥是舞霓裳、蟾宮內軟玉一  
枝、貼這邊是那個、旦這壁廂司戶邊風流司理、  
貼那邊呢、旦那壁廂太守行五花半刺、貼是好  
濟楚也、旦一般兒濟濟師師、

旦妹子和你過去參見、同見介、官妓們叩頭、

外今日府堂公宴、早着人喚你姊妹、祇候、因  
何慢騰騰地、這潑烟花可也大胆、貼相公着  
惱也

倘秀才、旦俺雖是潑烟花、剩粉殘脂、却也曾嫁  
東君、蝶媒蜂使、外你不過敗柳殘花、還想甚蝶  
媒蜂使、旦休比做桃李春風、牆外枝也、則是杏  
花虛結子、石髓任成泥、外只怕未必恁般乾淨、  
旦這就裏除是天知、



外你既要嫁東君、我就與你削籍、選個良家子弟、匹配何如、旦若蒙相公削籍歸良、所謂生死而骨肉也、但求放還故里、往踐前盟、外這妮子、纔離烟花風月、就要粧么守志了、

滾繡毬、旦恁道是烟花寨、風月使、却元何忒粧么、喬守志、怎知俺咏關雎、好逑君子、結鴛鴦、早繫紅絲、雜堂翁、他既不肯嫁與民間、竟求判給晚生何如、旦俺怎肯奔相如、效文君、末你待守

着誰來、旦也則索携弄玉待簫史、外你既有前盟、可知他的姓氏、旦憶符郎愁侵潘髮、外你的真名兒呢、旦害春娘瘦減腰肢、外你可想念符郎、旦因此上春風桃李花開夜、秋雨梧桐葉落時、藏着多少相思、

外聽他情辭、一心清白、實爲可敬、春娘、你可要見符郎、旦妾爲了符郎、寸心如繫、只是怎生得見那、外你若若要見符郎、這也不難、遠在



千里近在眼前。旦相公又來調笑了。妾與符  
郎死別生離。存亡未審。如何得在這裡。外司  
戶前去與他說明罷。生春娘則我便是符郎。  
只因兵戈擾攘。髻齒分離。不知去向。前因中  
秋相訪。問出緣由。我已稟過父親。申奏朝廷。  
奉旨除籍歸良。以續舊婚。則今日便好相認  
也。旦作認各悲介。符郎怎不痛殺我也。

倘秀才旦俺則道拆比目。連理分枝。誰承望合

破鏡人月圓時。從今後雲雨荒臺。豈夢思符郎。  
可記得中秋之夜。那不在你對月懷歌扇。因風  
念舞衣。盼得個梁燕雙棲。

外春娘你在郡中承值許久。老夫可也不曾  
低看了你。旦相公舊事休提了。

醉太平旦往常間肆筵設席。陪奉遍南北東西。  
誰管恁歌喉舞袖。夜深時困煞小腰肢。外可也  
賺得有纏頭。旦這壁廂纏頭未給鮫綃帕。外可



也贈得有詩句。旦那壁廂題箋空有斷腸詩。只到得海棠露冷濕胭脂。方纔罷翠管朱絲。

外不是老夫清正無私。你可也難脫此烟花哩。

脫布衫旦你道坐黃堂。清正無私。怎比得夢揚州。風流牧之。外老夫雖比不得牧之。可知尙德。緩刑也是萬家生佛哩。旦論刑法。辨不出三流。二死。外吟風弄月。怕不是五馬風流。旦嘲風月。

不過些滑調油詞。

外老夫不學那元白吟詩。却也較龔黃識字哩。

小梁州旦則怕未必龔黃皆識字。果然元白只吟詩。相公你看那假名盜字的呵。幾曾見甘棠春滿。召公枝心如水。門如市保障也繭絲。

外你那知俺爲官的道理。

么篇旦爲官的冰心一片持清志。外爲妓的呢。



爲妓的桃花兩瓣絢嬌姿外你不過子弟私情  
怎如俺瘡痍在念旦弄子弟繫紅絲撫瘡痍懷  
赤子一樣的情深至官與妓甚公私

雜堂臺的風騷玉娘已奉承得殼了末昔是  
吾州子弟今爲司戶孺人趁此吉日良辰須  
早成婚禮爲是外到是老夫忘懷了今日老  
夫作主判府二公爲媒就此府堂與司戶合  
番便了看官誥過來旦還有一言告稟相公

英娘與妾情同骨肉今蒙相公提挈不忍獨  
遺望乞一筆勾銷感將不朽外玉娘你旣得  
隴復望蜀只是便宜了司戶却一箭雙鵰了

生這是堂翁玉成貼謝過相公雜學生到此  
多年一個也盼不到手司戶來得幾日到占  
去兩個美缺了末判府休得取笑旦更衣交  
拜介外卽着鼓樂頭踏送司戶孺人歸第生  
旦謝介

煞尾且從今後紅樓翠館打疊起風流技弱絮  
飛花不教恁到處吹鳳誥頒來太液池鶯侶遷  
將玉樹枝錦帳春融五色絲琥珀香浮合巹卮  
被底文鸚宵比翼鏡裡青山曉画眉絳燭紗籠  
列玉墀翠袖雲鬟擁淑姬不勞你催粧八句與  
題詩只要你多情百歲常如此再不去賣笑倚  
門廝活計再不去問柳尋花爲蝶使今日個鐘  
鼓樂矣琴瑟友之完却了烟花債月露風雲事

集句 舞衫歌扇舊姻緣 一曲迴風想麗娟

玉雪自知塵不染 風流名字寫紅箋



奉題煙花債後

單符郎邢春娘同住東京孝感坊美人脂盃調  
鸚鵡公子華衫鬥鳳皇兩家本是內兄弟玉鏡  
一枚盟仇儼州短蘼蕪金埒開花新葺寇珠房  
閉待年牛女水盈、雀屏絲線心空繫一夕烽  
烟謦汴梁葦伏草竊紛豺狼圖書燒殘平樂觀  
珠幣捆載牟駝岡金枝玉葉路隅泣何況蓬絮  
隨風狂鐵絙鎖連生翡翠竹籠囚拆睡鴛鴦春

娘流落秋娘如縷月裁雲等閒度眉拖彩筆西  
啼粧背剔銀燈給窮袴誓此泥蓮不染身一枝  
連理韓憑墓符郎天遣到全州司戶曹閒夜暗  
游問柳依、馱細馬采蘋宛、蕩扁舟香車油  
壁無消息缺月難圓水不收誰知目送楊家女  
望夫山前風雨語寶鏡重歸徐德言繡鞋早餉  
程鵬舉風流此段合傳奇宛邱太守有情癡蘸  
將紅粉耆卿淚彈出黃沙毛嬙絲我飲一杯歌

一曲頽影悽惶喉斷續任其所之王可兒未能  
遣此張光祿栢花不死、朝雲、落山邱念華  
屋琵琶按譜不成聲空灘孤雁蘆梢宿

舊屬吏為程巖遂成呈本



奉題烟花債後

南都石黛寫魂消一種烟花百種嬌  
何處有臺堪避債彩鸞畢竟嫁文蕭

小別東京孝感坊蠻雲瘴雨賄荒唐紫釵不斷  
長條玉忍作無情李十郎

凝粧薄怒啟朱唇愧汗交流滿座賓枉煞今年  
單絞客鼓鼙聲動阿瞞嗔

蓄薇盥手鼎然香潔雪寒燈按羽商紗悟自含

絃外意不須親者舞霓裳

樸庭吳煥文拜手

烟花債小引

汝海投閒繁素僑寓雪飛梁苑疇為授簡才  
人草沒夷門孰問鼓刀遊俠尚華之喻斥鷃  
十步卑翔茂步之賦鷓鴣一枝安借屠龍莫  
與子失馬何嗟我藁桂以淹留據槁梧而偃息  
於是青春白日喜無業續芳形小卷留門幸  
有琴書寄傲廿一史十三經之作聖賢糟粕



何能驅我牢騷千家訪十種曲翻成執爨精  
華賁可世人笑語爰披覘異日對塗朱傳粉  
之人歌送新奇試填換激移宮之曲則符郎  
傳一刻實奪他人之酒杯而烟在債與番乃  
澆自己之塊壘者也美夫妻娘窈窕早廢君  
子之述單子風流舊是淋姬之匹佳人薄命  
偏遭風雨摧花以子多情未效樂昌破鏡憐

煙忽起鴛侶分飛隔斷紅絲莫傳書多筆毫  
落籍依於柳色青、倚席激泓宛是蘓小  
小蕭娘臉際許多淚滴如思卓女眉邊無限  
怨含離別夢風夜月何曾握雨携云弄榭歌  
臺誰肯乞憐我媚丁秀倩恨、隔蓬山芳草  
穿愁、深沈浦尔乃天人作命月共繩牽日  
暖藍田仍種舊呀白驛月明合浦猶還以夜



蹴珠采之靡甚會見故夫之面團之執扇之  
芳白髮之歌迂眇之於燕子樓中放瓊之於  
研羅帳上行雲流水固何害于春娘聖州間  
花之無妨於單子與秀未次負心不似玉魁  
綠葉茂陰失約豈同麗玉並移上聲之玉杵  
裝航已見雲英秦樓中咽之瓊簫弄玉還歸  
蕭史嗟乎僕奉恨人之居散地睹斯情種寧

不生憐况杏靨桃腮春色惱人如醉鶯啼燕  
語歌聲入耳羞黃對以韶舞何能消遣傷春  
杜牧空羸薄倖之名恨判江淹未有銷魂之  
句因湘南部竊效西崑風雪掩亭坐稱雙鬢  
之思華燈來寫難及紅粉之迴刻畫無益自  
蹈泥犁之戒唐突西子怪來狹斜之說原以  
自遣閒情也敢質之大雅乾隆辛酉暮秋之



初楚鄂研露樓主人題於大梁宋寓



